

蔡道憲遺集

16
2797
1



門 16
2797
卷 1

重修塔江祠小引

卷之四

原刻悔後集序四

悔後集自序

悔後集總目

悔後詩集上

卷之五

悔後詩集下

詞

蔡忠烈公集 卷一

昭和十九年
三月十八日
購

賦

文

序

書二

重刻悔後集考異

原跋二

殘詩跋

跋題丙子家書後二

卷之六

原刻弔輓詩序三

各家弔輓詩

悔後集附序傳輓章跋

原刻遺集後跋二

原刻遺集後序二

原刻遺集書後二

重刻遺集後跋

植元

章德

德彰

宗裔應魁仝捐刊

鍾音

德佳

友蘭

明史本傳

蔡道憲字元白晉江人崇禎十年進士為長沙推官地多盜察豪民通盜者把其罪而任之盜方劫富家分財收者已至召富家還所失物皆愕不知所自惡少年閉門謀為盜啟戶捕卒已坐其門驚逸去吉王府宗人恣為奸道憲先治而後啟王王召責之抗聲曰今四海鼎沸寇盜日滋王不愛民一日筵而走險能獨與此曹保富貴乎王悟謝遣之十六年五月張獻忠陷武昌長沙大震承天巡撫王揚基提所部千人自岳州奔長沙道憲請還駐岳州曰岳

與長沙唇齒也并力守岳則長沙可保而衡永亦無虞揚
基曰岳非我屬也道憲曰棄北守南猶不失爲楚地若南
北俱棄所屬地安在揚基語塞乃赴岳州及賊入蒲圻卽
遁去湖廣巡撫王聚奎遠駐袁州憚賊不敢進道憲勸令
移岳聚奎不得已至岳數日卽徙長沙道憲曰賊去岳遠
可繕城以守彼犯岳猶憚長沙援若棄岳長沙安能獨全
聚奎不從賊果以八月陷岳州直犯長沙先是巡按御史
劉熙祚令道憲募兵得壯丁五千訓練之皆可用至是親
將之與總兵官尹先民等扼羅塘河聚奎聞賊至大懼撤

兵還城道憲曰去長沙六十里有險可柵以守毋使賊踰
此又不從時知府堵允錫入覲未返通判周二南攝攸縣
事城中文武無幾賊薄城士民盡竄聚奎詭出戰遽率所
部遁道憲獨拒守賊繞城呼曰軍中久知蔡推官名速降
毋自苦道憲命守卒射之斃越三日先民出戰敗還賊奪
門入先民降道憲被執賊啗以官嚼齒大罵解其縛延之
上坐罵如奴賊曰汝不降將盡殺百姓道憲大哭曰願速
殺我毋害我民賊知終不可奪磔之其心血直濺賊面健
卒凌國俊等九人隨不去賊亦令說道憲降國俊曰吾主

畏死去矣不至今日賊曰爾主不降爾輩亦不得活國俊曰我輩畏死亦去矣不至今日賊并殺之一卒奮然曰願瘞主屍而死賊許之乃解衣裹道憲骸瘞之南郊醴陵坡遂自刎道憲死時年二十九贈太僕少卿諡忠烈二南字汝爲雲南人由選貢爲長沙通判盡職業與道憲深相得擢岳州知府士民固留乃以新秩還長沙賊陷瀏陽二南往援亦歿於陣

福建通志人物傳

蔡道憲字元白晉江人崇禎丁丑進士授滇南司李改授長沙癸未五月張獻忠陷武昌七月陷岳州遂逼長沙重臣大帥皆遁去道憲獨誓死固守有尹先民者夙稱名弁因結之以衛民賊至尹竟降道憲力不能支乃整衣冠北向泣拜俄爲賊所執獻忠降階語曰我素知公公勿自苦道憲厲聲怒罵賊釋而又縛者三乃遣先民說之道憲怒曰朝廷何負爾而反踢其齒流血復數賊罪大罵賊知終不可屈遂磔之道憲從容就戮賊左右皆爲流涕氣垂絕

猶作忿恨聲賊問何恨曰恨不殺先民耳心血直濺賊面賊為昏仆久之死年二十九衙卒林國俊李師孔陳賢等九人侍立不去賊諭降不屈皆殺之自一至五引頸受刑四卒忽起曰願葬主而後死賊義之於是四人解衣裹道憲體血肉狼籍點血在地皆拭之瘞於南城外醴陵坡葬畢皆自經死賊乃併葬九人於墳側十七年贈太僕寺少卿廕一子入監

案傳中凌國俊凌作林亦沿明史之悞

一統志湖南名宦傳

蔡道憲晉江人崇正中長沙府推官張獻忠陷武昌直犯長沙總兵尹先民戰敗歸賊乘勝奪門入先民乞降道憲北面頓首泣曰臣不職以死謝天子旋被執罵不絕口賊怒磔之磔且死猶作恨聲賊詰之曰恨不殺尹先民健卒凌國俊陳世科等九人俱從死事聞詔贈太僕卿諡忠烈特祠祀焉詩照磨莫可及亦殉節死

廣輿記湖南名宦傳

蔡道憲長沙府推官清標素著吏畏民懷賊張獻忠猖獗

連陷各郡道憲知事不可爲令兄歸省曰親老矣兄善事之弟與此城俱存亡耳支撐二載城陷被執百計誘降不屈置小樓中凡廿有四日罵不絕口賊怒寸磔之長嘯一聲風雨驟至頭已落兩目猶炯炯賜諡忠烈道憲初蒞長沙夢李芾來謁及殉難郡人與李芾合祀之名祠曰二忠案行狀賊於八月二十四日破長沙公於二十六日死難無廿有四日置小樓事

湖廣通志名宦傳

明蔡道憲字元白晉江人以進士爲長沙推官張獻忠陷武昌岳州直犯長沙道憲勒兵拒守賊遠城呼曰軍中久知蔡推官名速降毋自苦道憲命守卒射之多斃賊怒攻益力越三日總兵官尹先民出戰敗降道憲被執賊啗以官嚼齒大罵釋其縛延之上坐罵如故賊使先民說道憲益怒奮起摔擊賊以道憲愛民謂曰汝不降將盡殺百姓道憲大哭曰願速殺我毋害我民賊知終不可奪磔之氣垂絕猶作忿恨聲賊問何恨曰恨不殺先民耳其心血直

濺賊面賊爲昏仆者久之健卒凌國俊等九人隨道憲不去賊曰爾輩亦不得活國俊曰我輩若畏死去矣願埋主屍後死賊許之乃解衣裹道憲屍瘞之南郊醴陵坡遂自刎道憲死時年纔二十有九歲

案明史本傳及湖南通志一統志名宦各傳俱言尹先民出戰敗降無陰輸款於賊事

泉州府誌忠義傳

蔡道憲字元白號江門晉江人崇禎癸酉年！九舉於鄉丁丑會試第九名進士授大理推官丁父艱服除補長沙推官迎母就養楚多盜有甘明陽許廷寔行劫江湖累貲巨萬懸重賞購獲之豪棍魯之俞使酒克暴胆智異常釋其罪而任之盜方劫富家分財收者已至召富家給原物皆愕不知所自羣盜閉戶謀劫方啟戶之俞已坐其門爭遁散先是吏以緝盜爲功相怨者以盜相羅織道憲出其無辜陷死者八十人株連者百三十人民號青天初苦土

寇置客兵三百事平未撤又不給糧大爲民患有哨長周華宇多力善搏而性殘虐曾斃一人於路遣數卒裹面致之明日其衆方知譁擁入衙聲震屋瓦羣吏奔逸道憲徐步堂前呼其長責以不義衆不覺驚屈因出哨長笞擊數百垂斃而後遣之自是鄉市帖然吉王府宗戚校衛志爲奸利虐民道憲先執治而後啟王王召責之抗聲曰今四海鼎沸寇盜日滋王不愛民一旦挺而走險能獨與此曹保富貴乎王悟謝之宗戚爲懼服豪庠簡可大羅士俊聞武崗祁陽民變殺藩宗戚欲連黨效尤召至署中諭以理

法惶怖輸服二生出而變消茶陽益陽攸縣奸民聚黨萬餘訴其長吏院司莫何聞蔡青天來焚香跪迎數十里屏息聽處分湘陰縣餉部馮催徵不如法民積薪衙署欲焚殺之部堂莊祖誨徬徨無計衆云惟蔡青天去可治卽躬詣速行單騎馳百里入城隍廟集衆諭曰此胥吏爲奸餉部不早察耳餉部奉朝命來與邑令失民心激變者異湘陰戶未滿萬不從亂者半部兵三萬餘若不早輯屠城之慘吾奈爾何民乃定立取餉胥吏盡法創之湘陰以寧常德弁周晉假闖賊焚劫旣就擒賂當事縱之擁所掠名家

蔡忠烈公遺集卷一
女數人匿廢弁韓鴻家白於直指弁擒韓鴻殺之劉直指
邀道憲入常德安民議增兵而苦無餉道憲舉某項可那
用劉曰每見公談各府兵實如指掌謂因察盤強記耳常
德未經巡歷何由知道憲曰某吏事暇凡書記文移無
一字放過以此知之劉大嘆服新祁陽令謁見違禮疑爲
假官監司嚴法誣服推究其黨奸胥乘因恤之囑妄扳富
家至百餘人檄至道憲喚集塔下皆樸而富者立釋之空
文申報他州邑累繫扳連不死者且傾貲千百復知爲真
令已斃杖下而長沙獨無牽累賊蹂躪中州且至楚長沙

日四五驚夜傳寇至城外民爭入城避奸民乘機搶掠道
憲取琴書裹布衾去城十里臥民云蔡爺在外吾等何憂
數日訶至竟無賊及賊至荆道憲籍貧民守城富者輸粟
養之一應守禦之計漸次整飭會委解京餉乃遣妻奉母
歸里旣而不果行或勸更迎養曰吾處燕在堂也喪亂宏
多楚先愛之吾未知死所忍使慈母見壯子乎壬午分闈
得士皆時名九月郡守堵循錫以覲行郡事交併益疲勞
是冬李自成襲荆承張獻忠犯澧石慈安諸縣楚地騷動
荆鎮某率大衆擁惠藩走長沙民愈搖撼以戀道憲無潰

志崇禎十六年五月晦獻忠陷武昌長沙大震北巡撫王
楊基率所部千人自岳州奔至道憲請還駐岳州曰岳與
長沙唇齒也并力守岳則長沙可保而衡永亦無虞楊基
曰岳非吾屬也道憲曰棄北守南尚不失爲楚地若南北
俱棄所屬安在楊基語塞乃勉赴岳州及賊入蒲圻乃夜
遁去南巡撫王聚奎遠駐袁州憚賊不敢進道憲亦請移
岳聚奎不得已至岳數日亦徙長沙道憲曰賊去岳遠可
繕城以守彼犯岳猶憚長沙援若棄岳長沙安能獨全聚
奎不從而岳帥孔全贊驅萬騎雜猱擁撫軍偕來所過如

洗焚殺淫掠尤甚於賊老穉啼號謂撫軍至我輩無遺類
矣於是富家巨室皆稍引去有樓湖蕩自全者八月賊陷
岳州四城洞開荷戈笑語而入先是巡按御史劉熙祚委
道憲募兵得壯丁五千訓練之皆可用廣鎮尹先民善戰
道憲邀結之與誓師江上尹感奮樂爲用遂將兵與先民
扼羅塘河及聚奎入城次日文武俱會明倫堂問守長沙
策衆曰蔡推官已有經畫道憲因條列數千言大畧欲以
吉藩居守而文武各出城或十里二十里分要地拒賊衆
然其議聚奎曰何蔡推官出一語而諸公莫敢矯其非頃

所守非守也守尙未可必又誰能戰道憲曰不戰惡能守今兵約三萬而糧僅足一月勢當取給外縣我在外則外縣安守內則各縣不攻自破矣安所得糧賊將數十萬攻具悉備我居外可以少擊衆彼攻具無所施在內則坐而受困耳且推官經畫數月增兵設餉爲戰守地今聚三萬兵於城中何處安頓變在內不在外矣萬不獲已惟某與先民在外列陣設伏如謂未當撤回未晚反覆曉譬繼以涕泣聚奎不答尹先民曰推官所言皆碩畫也先民願決一死戰若同困孤城悔之何及聚奎作色曰總兵欲

反耶曰先民不反悞家國事者眞反耳各散去及賊近城聚奎詭出迎戰遽率所部遁時惠王寓長沙與吉王謀出奔會偏沅巡撫李乾德總兵孔希貴自岳州潰至遂與希祚奉二王走衡州向所召各鎮兵亦散去獨先民所部六千兵不動道憲乃盡以其衆分置城上躬爲粥啜之衆皆泣下道憲有友三人間關歷險俱在城中急遣之曰父母在不許友以死酌酒爲別三人涕泣交橫曰何所持以報君家道憲曰此豈某顧家之時耶曰亦當得數言道憲曰城亡身死無可言者曰君未有子道憲曰兄子吾子也教

蔡忠烈公遺集 卷一
以禮義無玷家聲足矣曰何以報君老母道憲忽慟絕仆地良久乃甦南向拜哭曰母生兒不孝不能復侍膝下矣援筆草數字云使兒不得決策爲江上一戰而坐困孤城者天也事若可爲宗社之靈老母之福書畢援三友因朗吟文文山句云我死誰當收我骸賓從胥役皆涕泣莫能仰視於是遣二騎送出城而賊已薄城下矣時八月二十二日賊遠城呼曰軍中久知蔡推官名速降毋自苦道憲顧先民射之斃其馬再發中其左翼獻忠入營換馬賊各相攻擊死數百人夜還營十里道憲度賊遠來未有備趣

先民選精卒二千人從間道出斫殺千餘級比天明賊衆蠶集乃引還獻忠怒併力攻城晚自至城下曰傳語蔡推官吾聞其忠義年且少愛而弗攻吾衆投鞭斷流何有於此城道憲亦傳語云若恣攻擊之能我盡守禦之方城亡身死勿復多言獻忠益怒日夜攻擊道憲左手持小旗指麾右手操杓勺餉士二十四日戰士死傷過半餘亦力竭不任乃與先民背城借一以千人出北門搗賊壘大呼曰男兒死當在疆場衆皆感泣爲殊死戰一以當百殺賊數千人賊稍却引還至城門能從者四百騎耳賊更合圍四

攻明日爲穴道穿城入城中亂先民曰巷戰尙可活猶上馬持刀呼殺道憲曰無庸矣釋戎服整衣冠北向再拜曰願速見高皇遂被執獻忠下堂親解其縛曰下卒無知誤犯高賢道憲怒罵曰吾恨不磔汝萬段也獻忠曰蔡推官後生勿使氣富貴可共何自苦乃爾道獻奮起摔賊獻忠令且引去監之王道門使其衆百計說降爲具食及供帳皆不顧明日衆擁先民來道憲見其衣冠如舊疑已降曰汝來何爲先民跪低頭道憲曰汝忘江上誓師時耶先民曰豈敢忘之使先民不能戰不能守而死固也道憲曰今

日尙云能戰能守乎先民尙欲有所言道憲踢其牙流血衆擁先民起先民曰吾豈負蔡公者吾終必死死當訴上帝斷誤國者之頭也衆復以道憲見獻忠道憲目眦盡裂罵益甚賊知道憲愛民謂曰汝不降將盡殺百姓道憲哭曰寧速殺我毋害我民賊知終不可奪命剛之道憲初怒罵及被剛則揚眉清婉顧盼笑語如常賊環視萬餘人無不咬牙股栗淚淋淋下獻忠復下堂與語謂公尙可活何良苦爲道憲嘆血叱之曰獻忠吾爲厲鬼殺汝也獻忠怒拔所佩刀擲道憲中其胸血逆濺獻忠之面獻忠昏仆有

頃甦遂磔道憲刃凡數折卒年二十九時二十六日午刻
健卒林國俊李師孔陳賢等九人隨道憲不去賊初令說
道憲降國俊曰如吾主可降早去矣不至今日賊云不降
爾輩亦不得生國俊曰若吾輩願生亦去矣不至今日賊
遂併殺之目一至五延頸受刃尙四卒忽奮呼曰願埋主
屍而死賊許之乃解衣裹道憲骸點血在地皆拭之相與
瘞于南郊醴陵坡遂自刎賊併葬九人於墳側尹先民號
不食數日與其三僕亦就戮死長沙城內外及湘寧瀏醴
諸縣村落市鎮聞道憲死無少長皆悲慟失聲朝夕哭奠

如喪考妣聞已葬頂香哭拜者數萬人越年其從兄道宜
往孛骸歸百姓依依不能舍郡守堵允錫通判周二南重
違其意具衣冠葬于故處改醴陵爲理陵爲銘誌之建祠
立坊置祀田以慰忠魂請於朝贈太僕寺少卿蔭一子後
又加贈太僕寺卿謚忠毅仍建祠本里學宮道憲襟懷豪
爽文思敏妙登山涉水陟奧窮幽興之所至選場試馬操
舟渡妓不諱風流月白更闌清歌徐引及談古今興亡成
敗則反覆淋漓感慨悲歌嘗夢與文文山對榻手抄文山
詩集或曰此非盛世文何愛焉而好之終不少衰少讀楚

辭燕坐凝默曼聲微引聞之淒淒欲汨識者謂其有楚音
悲激屈賈後身長沙將陷時署中地出血道憲叱之立隱
一日對周通判云夜夢李芾來拜相與談城守事殊激烈
李芾者宋長沙守元兵陷城芾召帳下沈忠焚居殺妻子
而後自殺長沙人祠之道憲閱其傾圮爲脩葺題詩祠壁
有許多上座薪誰徙正在中流楫自呼之句今道憲之祠
去李祠不遠豈先識耶所著有悔後詩

集通志參明史藁
湖廣志長沙志

並各
傳記

長沙府志名宦傳

蔡道憲號江門晉江進士長沙推官多惠政視民如子衙
首自署云寃人一字莫入此門寃人一事莫出此門崇禎
十五年獻賊攻襲荆鄂等處長沙戒嚴道憲竭力拊循八
月賊陷岳州旋攻長沙道憲令士民出城逃避身偕同官
登陴死守八月二十六日城破長協總兵尹先民降賊公
北向再拜曰願死見天子乃大叱賊衆云甯殺我身毋殺
百姓賊敬之不忍殺道憲怒罵賊縛之罵益力賊又釋之
如此者三揮拳擊賊賊怒斷其手罵不絕口復截其舌割

鼻剗目仍噴血賊面賊知終不可屈乃磔之就磔時以刃加頸曰蔡公忠臣肯一笑寢乎道憲仰天作笑狀賊皆流涕從役凌國俊等九人從公不去次第就戮國俊與某某乞裏公骸葬黃道門外醴陵坡上皆自經死賊退士民哀慕建祠大西門內事聞贈太僕寺卿諡忠烈

晉江縣誌人物傳

蔡道憲字元白號江門崇禎丁丑進士授大理推官丁父艱服除補長沙推官崇禎十六年五月晦獻忠陷武昌長沙大震北巡撫王楊基率所部夜遁南巡撫王聚奎逃徙長沙八月賊陷岳州道憲帥所募壯丁五千與廣鎮尹先民扼羅塘河倡議文武出城分扼要地拒賊衆然其議聚奎不從尹先民曰推官所言皆碩畫也先民願決一死戰若同困孤城悔之何及聚奎作色曰總兵欲反耶先民泣對曰先民不反悞家國事者真反耳及賊近城聚奎詭出

迎戰遽率所部遁各鎮兵亦散去獨先民所部五千兵不動道憲乃盡以其衆分置城上躬親調粥啜之衆皆泣下八月二十二日賊薄城下遶城呼曰軍中久知蔡推官名速降無自苦道憲顧先民射之賊夜退營十里道憲度賊遠來未有備趣先民選精兵二千人從間道出斫賊千餘級獻忠怒日夜攻擊二十四日戰士死傷過半餘亦力竭不支乃與先民背城借一以千人出北門搃賊壘殺賊數千人賊稍却還至城門能從者四百騎耳賊更合圍四攻明日穴道穿城入城中亂先民尙圖巷戰道憲曰無庸矣

釋戎服整衣冠北面再拜曰願速見高皇遂被執獻忠下堂親解其縛道憲怒罵曰吾恨不磔汝萬段也獻忠曰蔡推官勿使氣富貴可共何自苦道憲奮起摔賊獻忠令且引去監之王道門使其衆百計說降爲具食及供帳皆不顧明日衆擁先民來見道憲先民曰吾豈負蔡公者吾終必死死當訴上帝斷誤國者之頭也衆復以道憲見獻忠道憲目眦俱裂罵益甚賊知終不可奪令剛之揚眉顧盼笑語如常賊環視萬餘人淚淋淋下獻忠復下堂與語謂公尙可話道憲嚔血叱之曰吾爲厲鬼殺爾獻忠怒拔所

佩刀擲道憲中其胸血逆濺獻忠之面獻忠昏仆有頃甦
遂磔道憲卒年二十九時二十六日午刻也健卒林國俊
李師孔陳賢等九人隨道憲不去賊初令說道憲降國俊
曰如吾主可降早去矣賊云不降爾輩亦不得生國俊曰
若吾輩願生亦去矣遂併殺之自一至五延頸受刃尙四
卒忽奮呼曰願埋主屍而死賊許之乃解衣裹道憲骸點
血在地皆拭之瘞於南郊醴陵坡遂自刎賊併葬九人於
墳側尹先民不食數日與其三僕亦就戮死越年其從兄
道宜往挈骸歸百姓猶依依不能舍郡守堵循錫通判周

二南重違其意具衣冠葬於墳處改醴陵爲理靈爲銘誌
之建祠立坊置祀田以慰忠魂請於朝贈太僕寺少卿蔭
一子後又加贈太僕寺卿諡忠毅仍祀本里學宮所著有
悔後詩集

善化縣志名宦傳

蔡道憲字元白晉江人崇正十年進士爲長沙推官十六年五月獻賊陷武昌巡撫王聚奎棄岳不守八月賊陷岳直犯長沙時知府堵允錫入覲未返通判周二南攝攸縣事聚奎詭出戰遂遁總兵尹先民出戰敗還賊奪門入先民降道憲被執賊昭以官嚼指大罵釋其縛延之上座罵如故賊曰汝不降將盡殺百姓道憲大哭曰願速殺我毋害我民賊知終不可奪磔之心血直濺賊面磔且死猶作恨聲曰恨不早殺尹先民健卒凌國俊九人俱從死先是

國俊願瘞公屍賊許之乃解衣裹骸葬之南郊醴陵坡遂
自刎道憲殉節時年二十有九贈太僕少卿諡忠烈

別傳

湘潭 郭金臺 幼瑰

明崇禎十五年冬賊襲荊州郡荆鎮臣某疾率大眾擁惠
藩走長沙長沙亂公職司理勤撫焉長沙治明年五月賊
陷武昌武昌士民戮溺盡獨撫臣某以衛卒千人免走長
沙長沙益亂公益撫焉長沙益愛戀公不忍去又八月破
岳州先是岳總戎孔提萬眾駐岳稱能帥迨岳亂遂揚帆
奔騎囑諸長郡長沙乃大亂長沙民卒乃依戀公不去而
獨盼望先時遮蔽長沙者鎮臣護率列藩去列臣先後去
公乃不欲苦斯民縱城令民去又縱諸左右胥吏去而獨

擊故所餉總戎尹先民者提師布列躬自支持釜甑揮灑涕淚日夜環城誓死守所貽岳戎孔公苦分不能制聽自駐師河上稱禦賊賊至孔無意辦敵舉衆走且降尹伏城見孔師急潰乃大驚亂公乃大呼起督精騎出與賊遇殺傷畧當復入壁翌日賊騎突北門公令毅強弩射殺之却十里止日午來又卻頃賊大至尹卒大潰出環視左右援無一存者賊遂奪門垣闖入城中矣公度城且陷卽下馬北面拜曰願死見天子益斂容坐大呼叱賊衆寧殺我毋殺吾民賊驚問誰心知守孤城而口呢呢百姓者必司理

蔡公江門也立起敬公欲不殺公起怒罵賊叱縛公公益罵賊又禮釋公如此者三公益罵不絕口賊乃令新降將尹先民笑語乞公降公睨視先民裂眦手又指擬當死罪無算先民避賊衆數萬人咸股栗目公公殊無意賊數萬人又揚天朝名大辱賊賊知終不可屈乃磔公公就磔時賊以及加頸侵公曰公忠臣宜一笑寢乎公乃揚眉清婉笑語如平生磔且死公猶吃吃作恨聲賊詰恨爲誰曰恨不殺尹獨爛殺吾民是時賊環視左右皆暗流涕遠近聞之無老穉悲號悼痛至失聲遲五日乃馳公訃狀以聞於

臺臺師事公久信忠義篤不敢勸公從衆走死又不敢以
身從雖傳公懼逢公怒者嗟乎公死賊手在十六年八月
二十六日小子臺知公死豈獨是日乎方公之淹黃鵠而
返也獨拊膺歎曰輕而僂沓貪而冒沒不幸逢其人吾無
死所矣其鴛洞庭而南也又拊膺歎曰旁撻而中牽左犄
之右犄之吾無死所矣其經資陽道攸水而來也又拊膺
歎曰馬瘠矣既絡之又輶車驅之吾無死所矣自是長沙
興大獄者二起大師者三賴公以心計潛奪冥制事猶不
大創迄荆事敗長郡梗姓爭自開導隙釁操挺及而起公

度力無以制乃取用武夫氣整刷境內故權參尹以壓之
其後衿氓懼公甚置尹之力也設公權用尹時諸大臣中
有能總銳師南向提挈左右持節鉞坐制跳狼者公決如
李元直行事敬用此屬作李祐李忠義使必不敢反設諸
弁中有按甲百里內外聲援影響牽制者公決如李公芾
灑血堅壁誓死與共竟持此曹如沈忠輩使必不敢降而
皆不能使公計盡心竭左右道絕而繼以死悲夫公諱道
憲號江門晉江人十七登賢書又三年成進士今年才二
十八所歷天下事無不淹通者判事雖老吏獨頑無不心

折者落筆成詩文奇字無不妙絕天下者詩成廢去偶示
臺凡五十三篇盡梓以行名詩存暇輒長嘯每臨風步月
曼聲徐引或從齒出或自指生均中簫管聽者意足燕坐
凝默指齒不形微芒有音不並絲竹鳳鸞和鳴搖嫋星月
臺每聞此仙耶夢耶再來人耶惜當世奇人韻士無緣邁
見公公謂人無從辨此者此又一絕也公一子甫三齡貽
母六十有伯仲二所育養乏絕弟姪至數十餘人自公歿
不知舉家待以舉火者爲誰公嘗語臺有故人數輩皆古
君子交所知葛公士年吳公元圭陳公喬嶽林公永瞻林

公子野餘多不能記憶云記公以書遺歸故人曰賊破岳
陽勢逼星沙盡吾心竭吾力事有可爲宗社之靈老母之
福壯哉公言止此事止此故人信公矣今能彰大公事俾
死不朽者同寅堵公牧遊周公石拙具衣棺成禮葬立祠
永祀又厚賻經紀公家一時從公死者孝廉馮子樞公馮
子先生至交也生死與公合臺請告諸公拜疏特題配先
生祠而祀之

案幼瑰先生與公至交此傳最早與堵志皆爲行狀及
後來諸傳志所本茲編成後始從湘潭羅君汝槐寄到

兵道馮雲起及同知某通判某皆棄城走公時以推官權知府事慷慨登陴謂守將尹先民曰賊犯疆圉守土死綏非異人任請厲兵士殄茲逆孽毋貽臣子羞先民陽諾潛與吉王左承奉黃明治送款於賊賊徇城至陴下公乘麗譙罵之賊呼曰推官吾軍素知爾名請毋死公引弓射之賊佯退攻三日先民晨請赴毬場閱軍甫至譟而起先民遽執公以降獻賊列前騶樹麾蓋坐公於纛下數之曰吾以全師萃楚諸帥守臣皆望風宵遁爾敢以一司理抗我耶公厲聲叱之健卒凌國俊追侍公賊使叛將尹先民誘

公降且刦以兵公大怒叱曰城亡吾與俱亡爾負國負民吾恨不磔汝以謝天下賊怒叱令公跪不屈以刃築膝仆地賊謂健卒九人者說公降九人者曰吾公可降亦去矣不至今日賊曰不降爾亦死九人者曰吾輩願生亦去矣不至今日賊遂次第殺諸健卒以脅公不動且笑且大罵賊怒甚戕公口血噴賊衣賊愈怒遂磔公國俊大呼曰汝姑緩死我我以主骨歸土當就死賊從之國俊解衣斂公骸奔城外藁葬醴陵坡遂自經公之自大理赴長沙也與其弟奉太夫人以行至郡聞流氛甚熾洊及江黃慨然曰

仕而死其職義也如老母何遂命其弟奉太夫人以歸未幾弟復來又遣之作懷母詩四首見逸稿明年八月竟死十月獻賊陷衡州又明年正月左良玉師次長沙餘賊走撫按列公狀上聞詔贈太僕寺卿諡忠烈立祠郡城卽熊湘閣故址爲宋潭州守李忠節芾殉難處

宋俊曰余嘗至晉江與士大夫遊未有以江門先生爲言者後至潭遇前善化尹倪君康年知有忠烈祠祀公與李潭州然考公遺事疑信參半零陵桑孝廉日昇作江門紀遺謂公自城上還署朝服北向拜始出見賊而倪尹謂公

見執於教場紀遺謂公初無嗣而倪尹謂公有二子其一常至醴陵坡拜公之塚紀遺謂公夢與李潭州遇世人至以公爲潭州後身而倪則謂公感憤時事誓以身徇故假潭州以見志其謂公修髯銳下者畧同而好白衣曳朱履則又自倪尹述之倪與公爲鄉人其口語較詳郡志於宋末有削李潭州事於明末無有爲江門先生立傳者嗚呼豈孤忠勁節世之人皆所諱言歟

別傳

益陽

陳雅琛

獻元

蔡公諱道憲字元白號江門福建晉江人曾祖毅祖佐父維忠忠有子三人公其季也少端毅有膽量嘗讀書虎頭山夜分虎嘯窗外公書聲不輟虎歛跡去年十九補諸生旋登賢書崇禎之癸酉也丁丑成進士以推官用筮仕雲南遭父艱未任辛巳服闋補長沙司理壬午分校楚闈主考多其才別授他房卷三千有奇公搜閱甄拔無留良焉時烽煙四起逆賊張獻忠陷襄陽進薄湖南勢熾公條陳戰守二策當事置若罔聞度必危乃遣家人奉太夫人還

聞步送郊外肅衣冠泣拜輿前以別道旁觀者隱隱窺其志癸未吉藩逆闖與賊通賊乘虛搗岳陽前驅至湘陰長沙大震藩率屬奔衡僚佐一空獨公署府篆誓不去約守將尹先民協力防禦措餉練兵眠食俱廢郡士民感公義各負石登陴爲效死計八月張賊寇長沙公單騎晝夜巡警賊一夕潛越城公猝至手刃十餘人賊驚退會尹先民與賊郡之廢紳某陰輸款於賊賊大至先民佯出戰潰還引偪城下公令城中士女夜縋出潛逃全活甚衆賊呼城下曰推官聞名久矣何自苦乃爾公引弓射之賊不敢偪

聲言屠城蓋以公素愛民或爲億萬生靈屈尹先民復以微言動公公正色叱之知不可奪遂誘賊以入公聞城破急更衣整朝服北面稽首曰臣力竭矣惟一死耳帳下卒從者九人賊雅重公招之降公但曰寧殺我身毋殺我百姓先民承賊指說公公怒詈之曰狗彘乃敢見吾耶吾恨不殺汝打以拳先民走白賊賊執公公嫚罵不已賊謂九人勸公降否則俱死僉曰使君可降吾輩畏死俱不至此矣賊怒次第殺五人以懼公公自若賊擲刃搵公胸血直濺賊首顛羣賊失色復加刃公頸云忠臣尙能一笑乎公

揚眉展足怡然曰吾何笑笑汝輩釜底遊魚耳賊大怒裂
公眉斲公脛公指賊大罵賊斷公手罵愈厲賊復斷公舌
公含血噴賊賊更毀公齒公怒目掀鼻猶作憲宰聲向賊
遂抉目剝鼻支解以絕時八月二十有六日也是日晝晦
連日霾屈賈二祠中鬼夜哭公從役九人先公死者五繼
公死者三無一人乞憐凌國俊獨請葬公骸以死賊許之
國俊痛哭解衣拾肉骨及朱履裹葬城南醴陵坡還就戮
賊義而釋之國俊泣曰使君不負國吾忍負使君乎亦自
經死與八人俱藁葬公旁明年春賊潰走事聞贈公太僕

寺卿謚忠烈祀名宦公同年堵公允錫覲還爲具衣衾備
禮改葬謂公官司理厥靈濯濯易醴陵爲理靈復取所籍
從逆人房產爲公建祠像公而祀之公容貌溫潤博覽羣
書詩文援筆立就善長嘯夜靜發聲如鶴鳴層霄通韜畧
嫺騎射其獨守孤城也號令嚴明指畫皆莫測縞素赤烏
有輕裘緩帶風蓋公才兼文武若守將同心城可保也而
逆弁賣國徒以成公之烈豈非天哉初公甫下車謁宋刺
史李忠節祠感慨悽愴因題其壁云煙火叢中十萬戶好
箇男兒寶刀何事一千年理應出土及寇日猖獗致書鄉

先生有知君能後死看我獨先亡之句太夫人歸後馳聲奉省則有報得君恩顧不得毋養語遇先大父甚優每共談時事相視歔歔志素定也其為政廉明剛果不避權貴發奸摘伏如神大書於門曰寃人一字莫入此門屈人一事莫出此門是時藩邸為淵藪黠吏奸徒肆無忌憚投王府則莫敢誰何爭奪不遂則獻諸王府民惴惴不保其業於是王莊王田及號為鷲羊池者遍州縣自公至此風寢息則不寒而慄也以身教故所著有悔後集自為之序卒年二十有九凌國俊湘鄉人康熙癸亥其子凌文志以李

忠節帳下卒沈忠得配享李公援例為國俊請乃並得從祀公祠噫長沙古忠臣地也公與李公既先後同揆而廝役亦若合符節然則回面污行而履斯土者欲不跼蹐也得乎歲癸未武進趙公申喬撫湖南毅然以表章節烈為己任既謁公祠復展拜墓下重立豐碑而為文以記之予憶所聞於先君子者參校而為之傳云

論曰忠烈公殉節之慘先君子每談及輒涕泗橫流蓋痛

念先大父

名有光亦官司理殉難死

素與公盟心而皆較然不欺其志

也嗟夫自古忠臣授命莫慘於公而公甘之如飴此其丹

心鐵骨生而已然詎有藉於觀感者世傳公始至夢李忠節公如相授受假令杳不久夢豈遽出潭州刺史下哉予故探輯公傳而於是說也逸之

別傳

寧鄉陶汝鼐 密菴

蔡道憲號江門晉江人年二十成進士司理星沙清端秀立蘊藉風流居然才子也李庭旣無留獄而以其暇論詩文作鸞鳳嘯時賊氛逼楚與太守堵公並事韜畧聞屬邑山賊警輒戎服單馳檄行部所至自巡執鼓登壇教戰一往英沈已負睢陽之絕知癸未八月獻賊逼長沙文武大僚擁藩王先後去公獨與故所結總戎尹先民提師日夜誓死守且戰然兵力不當先民乃背公輸欵於賊賊入遂降公從容下馬整冠北面拜泣曰臣不職以死謝天子遂

齊忠烈公遺集 卷一
為賊所執賊令降語曰我素知公公勿苦公怒罵賊縛公
公益罵不絕口迺嗾降將尹欵語公公瞋目直視奮縛搥
尹胸而搏之賊數萬咸駭動公數賊罪又揚天朝盛德大
辱賊賊命磔之公欣然就刑以刃加頸侵公曰公忠臣肯
一笑寢乎乃揚眉清宛笑語如平生磔且死公猶屹屹作
恨聲賊詰恨為誰曰恨不殺尹先民獨濫殺我百姓賊左
右皆流涕咋舌事聞詔贈太僕寺少卿諡忠烈特祠祀焉
後堵公覲還督學率諸門人招魂而葬之南門外理靈坡

小傳 并序

閩縣 倪康年

康年蚤歲讀書至忠孝大節輒為之復流連憶前乙
酉夏晤吾閩太史黃公石齋曹公能始林公子野談
及逆賊張獻忠陷長沙時有司理蔡公江門者吾鄉
人也其殉難最烈因各出為公所作輓章示讀迨我
皇上踐祚初年康年適授善化縣職善化長沙附郭邑也
於公猶屬吏云甫下車卽詢之父老知公有祠在郭
西偏屈賈祠左特躬詣展拜祠內兵使者毘陵堵公
允錫為立碑載立祠置田事甚詳題祠柱聯云母忍

蔡忠烈公遺集卷一
辭妻忍別孤城獨執不忍亡凜凜忠貞之氣千秋如在肉可割肝可剖百姓獨曰不可殺堂堂慷慨之心萬古猶存但祠久傾圮基地祀田皆爲豪強隱沒康年往過心傷亟白諸當事爲之清理時軍興旁午雖少有懲究法不能申康年倡率同鄉遊宦黃廷用及士商施大章等伐木鳩工共勸厥事先立祠宇煥然改觀祠前舖屋數處曠地一所祠田千餘畝僅清一二是皆庠士何應章仗義出首之力也前總憲丁公題請崇祀名宦展墓勒碑遠近父老歡呼載道繼以

感泣茲值學憲按臨主持風教仰體

朝廷教忠之意闡揚節烈康年承流宣化於公出處本末不爲表彰一二其無所辭咎矣因不揣固陋竊據見聞敬爲之傳云

公諱道憲字元白號江門閩泉州晉江人曾祖濱富公諱穀穀生仰濱公諱佐佐生葵一公諱維忠生三子長早逝次道甯郡庠生公居季少聰穎多夙慧博覽羣書兼通韜畧嘗讀書虎頭山夜分不寐虎聞聲避去其爲文冰玉嚴潔自出性靈崇禎癸酉年十九補弟子員舉於鄉丁丑成

進士有悔後集行世宗伯曹能始先生序其首稱公詩歌可與禰正平鸚鵡賦並存筮仕雲南司理丁父艱未任服闋補長沙蒞任先一夕夢有衣冠而謁者曰我宋知潭州李芾也驚寤心動久之因詣李忠節公祠瞻拜題云煙火叢中十萬戶好個男兒寶刀何事一千年理應出土閱此知公與李公其有同志耶時邊烽告警神京多故公詩寄同鄉林子野先生曰知君能後死看我獨先亡嗚呼慨然殉國之志早見於此矣公在任潔已愛民不畏強禦擒伏如神大署於門曰寃人一字莫入此門屈人一事莫出此

門巖巖氣象狐鼠之輩爭相斂跡壬午賓興公預分校本房卷閱畢主司以公年少才敏將他房卷三千餘授公覆閱一時入雋楚無遺珠十一月逆賊張獻忠陷襄陽湖北失守十六年進逼湖南公條陳戰守兩策數千言當事不聽吉藩退保衡州他官皆後先遁公時署府篆練兵措餉與總兵尹先民誓同守禦會吉闖王明治具款於賊賊乘勢直搗岳陽八月朔圍長沙公知事不可爲作書奉母有報得君恩願不得母養等語嘗月夜單騎臨城審視險要會賊十餘攀堞而上公悉手刃之持其首示賊衆曰汝等

速退耶必盡殺乃止耶賊少退尹先民陰降賊出戰詐潰引賊逼城公急出城中百姓十萬餘戶於圍以孤城自誓死守賊穩知公愛民聲言屠城冀公降公正色詈曰甯殺我身毋殺我百姓二十六日城破公朝服北面再拜曰臣生未能滅賊願以死報遂被執百計誘降公罵益厲賊使尹先民說公公怒曰汝罪應萬死恨不磔殺汝遂拳擊尹尹避去公從役九人賊先殺其五以懼公公不動且笑且罵賊擲刀刺公胸血濺賊首仆地衆賊皆膽落少頃復以刃加公頸曰忠臣尙能笑乎公揚眉舉足復罵曰天朝何

負於汝王師至汝輩族矣賊旋斷公足裂公眉公以手麾之因斷公手罵賊愈厲乃鈎公舌公含血噴之遂毀公齒公以眼鼻息作喃喃聲向賊賊復抉眼劓鼻寸磔而死時昏黑三晝夜天日無光屈賈祠中鬼夜哭不止凌國俊者公役從同死九人中的一也賊殺及俊俊曰吾怕死不至此願葬主後就戮賊許之起枕公尸大哭解衣裹肉骨並拾朱履葬城南醴陵坡葬畢詣賊所請殺賊義而釋之俊不可遂自經以殉次年春恢復長沙士民哀號具呈當軸特疏入告贈太僕卿諡忠烈崇祀名宦建祠置田時同榜

兵使者堵公允錫覲回具衣冠改葬率僚屬拜奠更醴陵
爲理靈以公官司理易名也又取所籍從逆紳士房屋十
六閒田千餘畝爲公忠祠田刻沈香肖像付祠僧舉春秋
祀典滄桑後祠地與田爲奸僧武劣所侵沒屢復屢廢康
年爲具始末訴之撫軍監司守令往返十餘載僅清什之
二三從吾閩遊宦及受廩茲上者相率捐資重建廟貌一
新歲時伏臘謁請拜墓備物行禮康熙二十二年國俊之
子文志援李公芾死潭州其役沈忠亦得從祀例爲其父
請太守任公紹曠許之附祀於祠以示存歿事主無二心

者公玉貌鐵骨喜著縞衣赤烏尤善長嘯每夜靜發聲如
鶴唳詩文援筆立就有李青蓮風癸未八月朔郡西郭外
農家有牛生子火光燭地人疑爲麟公於是取生平撰著
編定年月藏於篋衍嗚呼詎知爲絕筆哉公字本二王勁
如其人公生於萬曆乙卯年十月二十七日殉節於崇禎
十六年癸未八月二十六日年二十有九予爲公傳成適
公門下士桑子日昇出公遺書示予有千刀生事畢一語
噫此可悉公生平矣

倪康年曰從來爲國殉難未有如公之慷慨從容者也嗚

呼可謂烈矣凌國俊九役怡然相從地下不學而能爲此
尤人之所難者公不負君役不負主忠義之氣與天地長
存矣康年誌此以廣勵名教非特爲枌榆揚私好也

顯鶴案倪君康熙四年令善化檢邑志名宦傳不載文
中歷敘清復祠田倡修祠廟是亦有功於忠烈者而邑
乘缺如可嘆也文敘次甚詳獨云公署府篆及尹先民
引賊事則仍當日之譌說耳

傳畧

晉江 蔡雲鵬

嗚呼惟吾家江門公以明楚事贈太僕寺正卿謚忠烈也
公生閩晉江之塔江父葵一公有穆行公行三嘗讀書卧
龍館小樓桐月榕風迢然自得使人想諸葛君名士至乃
談古世興亡與其所自則反覆淋漓時政傳聞關得失夜
起坐若身任其際者愍帝丁丑成進士時盧公象昇去總
理東南任劇賊燎原公歸省邁葵一公憂步行拜謝弔者
後補長沙司李迎母歸地多劫掠甘明陽許廷寔爲魁哨
長周素材武又挾客兵數百人逞公愴以威畧皆就治其

吏緝盜恆羅織公出無辜者凡二百餘人於是有青天頌矣公之名熟於婦孺而武岡祁陽民變殺藩宗長沙或糾黨將效之公弭其謀茶益攸縣合萬人申訴其長吏院司莫何湘陰馮餉部催徵不如法民甲積薪圍衙制府倉皇甚先後待公以戢姦弁周晉之假闖賊焚抄也報常陷公曰藉賊名耳亟戢可得晉擒直指劉邀公入常德綏民賊破中州且至楚長沙日四五驚夜傳賊至矣則城外民爭入城避黠者因滋釁公徐取琴書裹布衾去城十里臥民以公在外無虞也返比賊至荆公募兵扼羅塘河且編貧

民城上弱堞夫強堞長陰使人出穀餉之富民爭輸貧民亦喜其得粟以食以守城也自公奉檄蒞長沙勅使雷轟飛書兩集期月之間興大獄起大師定大難郡守堵以壬午秋京行公不視篆而實獨力措拄屹然繫星沙數十萬人之命是冬李賊襲荆承獻南犯澧石慈安諸縣楚騷動荆鎮帥以惠藩依長沙曰蔡推官在初長苦藩屬之橫公立置虐民者於法而後以聞非故事也吉藩意不然公曰百姓者高皇今上之百姓亦殿下之百姓也今四方多難殿下不保有其民萬一不測獨能與宗戚校衛共富貴乎

蔡忠文公集卷一
潘嘉納惠藩至民彌囂然公綢繆其閒得帖癸未五月武昌陷北撫軍奔長沙公請屯岳懼卒逸公請南撫王聚奎屯岳州如所以請北者撫軍檄徙長公曰旣無恢復湖北之志又棄岳南下岳長唇齒守岳則長可保而衡永無憂岳州棄長豈能獨全哉岳帥孔偕撫驅萬騎來所過殘毀如賊尹先民者廣鎮也善戰以勇名公先結之與誓師江上尹兵集孔卒稍憚撫軍聚按院劉岳道許長寶道馮通判周武昌司理傅縣令吳尹先民孔全斌郭楊各總兵等明倫堂問策公條列千百言大畧欲以吉藩居守而文武

臣各出城五六十里分扼要害拒賊可安外縣而資其糧以少擊衆我得地而賊造雲梯竹船諸攻具且無所施撫軍欲撤兵入城守公曰不戰惡能守陳三癸如燭照數計龜卜也卒則請獨出設柵列陣然後煩諸大吏爲城外視師之行尹亦請撫怒遂散士民環觀多泣者賊謂知公策不行喜卷甲趣岳州城洞開嘻嘻而入遂指長信至吉藩命公庀舟以行聚奎出兵監帥旗水次稱欲戰夜乃走百餘里抵湘潭當是時截江堵山除械輓米糴豨奮燕雀安凡鎮人心而揚士氣者已月餘公竭其一腔熱血而先民

亦據鞍憑陵思自効自撫軍驅兵若兒戲民搖撼棄家其
不去者非感恩願同生死卽羸慙無復之耳撫軍以其身
爲衆倡一時重臣大帥莫有固志相繼逃向所募集各鎮
兵三萬亦皆烏獸散此公所以太息於天禍星沙不得決
策爲江上一戰而坐困孤城而扼腕者欲訴上帝取負國
賊臣之頭斷之也嗚呼城亡矣然六千兵不動八月朔賊
至裂撫旗蟻屯數十里獻呼曰蔡推官公出敵樓凭欄仰
天而笑獻顧其黨曰好推官乃曰蔡推官吾軍中久知汝
名可降毋自苦也公挽強弩射獻中之退十里公以賊來

未有備付尹兵用閒擊斬千餘級賊盛終不可敗獻攻城
復溫語勸公公曰若自攻吾自守賊悉攻具併力公隨制
之後見城上士大半死傷乃以千人出北門搗賊壘大呼
曰男兒死當在疆場耳衆奮鏖戰殺數千人賊稍卻始還
公又嘗單騎巡手刃十餘賊越城者賊穴城陷吉闔送欵
公具袍笏拜闕又南拜曰某君親兩負今日死見高皇也
蓋公孝且友而太夫人時歸在閩遂不得養被執獻下堂
親解其縛謝且欲延上坐崇以僞爵公叱曰吾大明進士
長沙府蔡推官道憲豈從賊耶且汝西賊而走吾楚南首

領將旦夕莫保乃欲官人污人獻終欲得公爲重具簀不顧衆擁先民至狀猶舊公奮縛搵其胸搏之曰豎子何顏見吾二祖列宗獻以公故不妄殺謂不降將如屠武昌事公哭曰寸割我毋害百姓獻命副當公罵獻時皆裂髮指聲徹九霄凜然顏張復在賊再三氣奪比副則揚眉清婉獻掩面萬黨餘淚淋淋下獻謂公尙可活公罵益厲獻亦怒拔所佩刀擲公中胷血逆濺獻面獻忽昏仆甦遂磔之而公歿公生萬曆乙卯盡節則思宗十六年癸未八月二十六日午時也無遠近聞者皆哀慟賊據長衡永繼陷先

戰時故人三欲俱存亡公曰親在不許友死繡千里相思字贈之歸公屬詩文不起草千言立就遭兵燹存悔後集梅花斌媚悉原鐵心城陷衙卒凌國俊李師孔陳賢九人者隨不去賊逼使說公九人曰吾主可降早去矣獻曰不降殲汝曰我等偷生亦去矣殺至五人四人躍曰願葬主而後受刃脫衣裹公骸點血在地拭之葬於南城外之醴陵坡遂自經死長沙人爲公立祠墓上及太平街皆以九人侍置祭田王正朔陳嘉祥亦舊役也從公兄拾骸歸爲太夫人述公盡節時事哭不可止嗚呼廉頑立懦良然公

嗣知遠公恪遵先教道光壬午余遊楚南學使許公幕學使夙心儀公昕夕談次公如生余小子展醴陵墳拜祠因約序公行狀并志乘所傳學使爲細書祠壁迨旋里丁祭偕族人往執事學宮祠內因謹錄之先民由公所激發非本志後雖就戮亦其捐軀不烈遂臭遺也公字元白致命時年二十九論曰公之幹濟蓋埒建斗盧公云文文山之議立四鎮也欲建閩長沙而與揚鄱齊奮昔人謂行信國之策宋可延余以公謀獲遂微獨長弗危其大用之以制閩外而克舒其志而莫撓其權且惡知不足以蕩寇氛而

扶一綫將顛之祚公嘗夢文山喜讀其書集而易名與二公同然盧總理七省公但藉一郡盧之後用廢抗興其機屈公之先因文行武其勢艱盧公戰死於鉅鹿之賈莊有負二十四矢而覆其屍以毋毀也爲牧官楊陸凱一人公就義則九人從容殉之皆由隸役公少盧公且十歲仕日無多其設施如彼其成仁取義卓卓乎褫奸雄之魄而名教是撐又如此奇已惟

聖朝以節義風天下我

高宗純皇帝褒厥忠烈

賜輓詩夜臺有路帝闕無門蓋公才可大用至遭萬割之兇以盡其節爲足感也嗚呼王聚奎者肉食負國如樞之阨廬公耳先民亦安存公之正氣其與天壤相儔哉

附錄凌國俊傳

凌國俊字瑞甫世居湘鄉武障巡司爲長沙司李蔡公墓卒崇禎十六年八月獻賊陷長沙守將尹先民叛降蔡公被執時國俊等九人相從不去賊素知公名使尹先民誘降公厲聲叱曰吾以義誓死恨不磔爾以謝天下爾尙何言賊又令國俊等說公降不降爾曹亦死俊曰吾主可降不至今日吾輩畏死不至此矣賊怒先戮其五人以脅公公不爲動氣益烈罵益厲賊怒甚遂寸磔公賊衆觀者皆股栗國俊獨從容謂賊曰緩我須臾死俟葬吾主後殺我

遂枕公尸慟哭解衣裹其骨肉藁葬城南醴陵坡上詣賊所請殺賊欲活之俊不可遂自縊以殉越四十年俊子女志泣陳當事命有司置主祀於忠烈祠蔡公座側太守任公紹曠郡丞熊公忠鶴詣祠致禮有加康熙四十一年趙恭毅公申喬巡撫湖南甫下車率僚屬拜蔡公墓并禮俊冢於公側撰文鐫石詳公本末而於俊事亦附見焉

附錄陳世科傳

陳世科長沙人以武藝事司李蔡公道憲素號鐵腳苗頗具義勇爲蔡公所拔識蔡歿於賊義不忍負自經於永豐倉又蔡公隸劉世鳳亦死之

案殉忠烈九人凌國俊外有李師孔陳賢二人見行狀又陳世科自縊於永豐倉見一統志及趙恭毅所撰祠田記長沙府志因而列傳聞古老言忠烈致命在明月池其地距永豐倉不遠知世科卽九人之一合之劉世鳳則知姓名者已得五人矣

<p>天爵不假以爵位相與人交一合以禮</p>	<p>君子之與小人其相與也若水與火</p>	<p>君子之與小人其相與也若水與火</p>	<p>君子之與小人其相與也若水與火</p>	<p>君子之與小人其相與也若水與火</p>	<p>君子之與小人其相與也若水與火</p>	<p>君子之與小人其相與也若水與火</p>	<p>君子之與小人其相與也若水與火</p>	<p>君子之與小人其相與也若水與火</p>
------------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------

